


, сивъ сн
дзикаго дъ вал.
кельнаа гиня
дъ на

м зарни келси,
р уасады вал
агдо не
дн унава те не

мсаго дъ вал
лейско дъ на
вала сже.

си
ке мезлэ гогн ва
ф кунско дн
о мурн по тиса

КИГОЖТОС №4



Колхоз дыръя улон

Эх, синьёсы, синьёсы
Кыдёкысь адзиськоды вал.
Адямиез пумиськыса гинэ
Тодмаськоды на.

Эх, киосы зарни киосы,
Котьмар ужады вал
Синьёсы уг адзо ни
Тй но уд ужаське ни.

Эх, пельёсы,
Котьмае кылиськоды вал
Куараез кылйськоды но
Верамез уд валаське.

Эх, пыдьёсы
30-40 иськемез лёгады вал
400 метрозь нуиськоды
Соизлы но шумпотйсько

Кылбур пörмыто меда?
Кырзан пörмыто меда?
Верано кылёсме
Вераны быгато меда?

Урам пуме потасько
Котыр улоэз учкисько
Котыр улоэ туж шулдыр
Маизлы ке но көт уг тыр.

Шулдыр гуретыса тракторёс
Бусыез уг gyro
Нянен сюдйсь музъем вылэ
Нюлэс будэ.

Жытэн чукен ферма палась
Мотор куара уг кылйськы
Тыршись киосын лэсьтэм гидёс

Куашкало

Колхоз быриз
Гурт калык ужтэк кылиз.
Кин кытысь уж шедьтэ
Отчы ужаны ветлэ.

Каркалы быдэ
5 но 6 нылпи вордйм, будэтйм.
Нылпиосмы кошкызы,
Анайёс оген кылимы.

Оген кылим анайёс
Песяй, чужанай луимы
Соос улонысь кошко
Юртъёс ворсасько.

Урамлы быдэ
Шулдыр нылпи куара уг кылйськы.
Пинальёс городэ кошко
Нуныкъёс отын будо.

Гуртын улйсьёсмы
Кулэсмо-кулэсмо.
Та шулдыр Выль Тйгырмен гуртмы
Улоз на меда?

25/V-22 ар

Радызъя гожъяны быгато на-а мара?

Аслам чакламея Из гурезь йылэ 1998 арын пужым мерттызы. Вуко гурезь йылэ но, Гришаос бере но. Табере со пужымъёс кускыли сето, со кускылиос кидыс сето. Самой со пужым кидысьёс кисьтйськыса, бусыямы (Азьло со бусы, Пиртэшъёслэн вылэм дыр. Отязгес мыныса, Пиртэш ана пум шуо вал) Колхоз быриз но со буш гырыськытэк улэ. Ас чакламея со бусыын 2013 арын сезы кизеын вал. Сое кин ке но октйз-калтйз, тысьсэ кытчы ке карызы.

Анисимов Иван бере, оло 7 предъёс вошъяськызы. Колхоз ваньбуред: грузовой машинаос 7 вал, тракторъёсыз уг тодйськы, огвакыт 3 автобусъёс вал. Комбайнъёсыз уг тодйськы. Со ваньбурез вошъяськысь предъёс кин кызыы мае быгатйз вуазы, лэся.

Туннэ 26 май, песяйёслэн нуналзы. Буран песяйёсын валче песяйёслы нунал луиз Удмуртиын.

Радиоез ке кылзйськод, ваньмыз улон умой гынэ кадь. Пиналгёс интые, пересьёс сцена вылын клубез шулдырто.

1985 арысен перестройка кучкиз, март-апрель толэзьёсы. Сухой закон луиз. Куке соку лавкае ю[о]н вайылзы, адымылы быдэ ½ литр водка вузазы ужасьёслы.

Горбачёвез 1-ой президент пуктйзы.

Собере Ельцинэз пуктйзы. 1992 арын вал кадь. 1992 арысен 1998 арозь улон туж шуг луиз. Городын но гуртын но уждун алама тыризы. Городы[н] жыны арен пе өз тыре. Пенсиез сётаки тыризы. Кудйз семьяё ульсьёс фуражез нянь пыжыса сиизы шуизы. Мынам пенсие, синьмы алама адже 364 159 манет, продуктёс но д[у]но луизы. Мынам гожъямын 1996 арысен вал кадь. 1998 арын уксё воштйськиз, Ленин фотоё уксёез воштйзы. Воштэ[м] беразы мынам луиз 4839 манет. Али со воштэм уксё ик ужа, арлы быдэ выль аре будэто.

Колхозмы улйз на 2012 арозь кадь. Фермаысь скалгёсыз нуизы. О[г] дасо валгёс вал, соосыз пе вандылыса нуиллям.

Гурт калык ужтэк кылиз. Эльдыб[ай]ын колхоз өз быры. Скал кыскыны, кунян сюдыны ветло гуртоос. Кинь кытчы уж шедьтэ – отчы ветлэ.

Огласянь нош йоныз сюриз улыны. Яра коть ссуда сёто машина басьтыны. Гуртын будэм калык ужлы сюлмо. Машина но трактор но басьтыны быгатылзы. Ас поннам лыдзыса пукисько. 28 муртлэн кадь машинаез, 20 пала муртлэн траткорез. Адыми каллен-каллен дыше кадь ини тазы улонлы. Колхоз вакыт кадь өвөл ни адыми, воштйськиз. Азьло огезлы огез адыми юрттйз, табере сычеесь өвөл ни. (Синьмы алама адже, мырдэм гожъясько).

29 май 2022 ар.

1999 аре Игорь выль арез пумитаны дораз ётиз милемын Эляосыз но. Эляос дорын мунчое пырыса, потймы сюрес вылэ. Куазь туж шуныт, коть быдэс уй бусыын юмша. Вуимы Игорьёс доры, ми бёрсыгес ик Эляос но вуизы. Пукимы, Виль 2000 арез возьмаса. Вуиз Виль 2000 ар. Ельцин жечкылаз Россия калыкез Виль арен, шудбур, тазалык сйиз.

Собере аслэсьтыз малпамзэ вераз: «Постысьтым кошкисько, интыям Путинэз кельтйсько». Собере Путин понна куара сётймы. 2000 арын сйзбыл сентябрь толэзе, яке 12 июне?

Путин нуиз улонэз Ельцин косэмъя нуэ. Ярам милемлы, пересьёслы, Путин сюлмаське пенси тырыны. Калач нянь дась пыжемзэ сииськомы. Пересьёс куноын кадь ульськом. Азыланяз тодмо өвөл, Путин бере.

Жириновский шуиз вал: «Крестьянъёс музъемзэс¹¹⁵ мед ужалозы, анай-атайёссэс нылпиоссы мед сюдозы, пенси тыроно өвёл».

30/V-22 ар

Колхозъёс быдтыса, котькуд ужасьёслы быдэн 7 га музъем сётыны документ сётйзы. Со музъемез 10 000.00 манетэн вузаллямы оген кылем песяйёс но семьяен ульсь песяйёс но.

Выйын ульсь кивалтйсьёс гуртъясы лыктыса өз учкылэ ук, гуртъясын мар ужаське. Маин музъемзэ ужалоз гурт калык. Вашкала сяин валэн герыен уз гыры. Гыр вал но, кытын на герыос, кытын на валъёс? Кизем ю-няньзэ маин октоз, кутсалоз. Сюрлоен уз ара. Кутэсэн уз кутса, төлэн лопатаен уз чылкытты.

Гожтй кадь ини, вань машинаосыз вуэм-вуэм олокытчы каризы, сомында предъёс вошъяськыса. Милемлы, пересьёслы музъем вылын ужам өвёл, пидйыламы мырдэм ветлйськомы на. Асьмемыз асьмес сион пöзтыгса сюдыны быгатймы ке, соизлы но тау каром ини.

1 июнь.

Вуж Тйгырмен Мылкыд колхоз вал. 1949 арын Камашев Трофим председатель вал. Виль ар отчёт дыръя воштйзы лэся. Чувашиысь жүчез пред пуктйзы Углановез.

Угланов Вужгуртъяслэн шайул шуо вал, ошиськем марлы ке.

Собере Волков Александрез кыче ке районысь ваизы председательлы. Волков дыръя 2 гуртъясы огине колхоз каризы. Виль Тйгырмен Киров нимо вал. 2 гуртэн огине карем бере. Киров нимо луиз Мылкыд колхоз но. Собере 1954 арын вал кадь Лутохаез но огине каризы. Вужгурт пала ГЭС чыпизы вал, чыпет валлане сцена лэсьтыса, собрание люказы. Куазь зорыны кучкиз но калыкез Покров гуртлэн лапас улаз собраниез каризы. Собере колхоз Путь к коммунизму луиз кадь. Точно уг тодйськы ни. 68 ар ортчиз ини. Лутохаез центр каризы. 4 гурт понна 1 председатель. Счетоводъёс гуртлы быдэ луизы кадь.

Асьме, 13 и[ю]ль Тйгырмен гуртын председатель асьме гурт пи ик. Байбатуров Геннадий Константинович вал. 1950 аръясы 1953 арозь вал-а, мар-а. Соку ужась өз тырмылы, дышетйсьёсыз туж колхозын ужатэмзы потэ вал.

Татчы школа 1932 кылдэм. Первой татын Раев Алексей Терентьевич Починка пи дышетэм. Эшсэ ой юа, кин вылэм. 1982 арын школазылы 50 ар тырмоз. Соку монэ но өтё шуиз вал. Чапак сомында гынэ улйз школа. Собере школаосыз огине каризы. Дышетйсьёслы 9 кубм. пу сётйськоно вал. Милем-

лы чик но вайыса өз сётэ Байбатуров дыръя.

«Мынэ, вал кытке но асытэос нулдэ, арамаысь кызыпу пу!» – шуиз. Ми Марина Семёновна эшеным, вал кытким но арня нуналэ толалтэ нулдйм. Көнэ пол меда ваисъкеммы со вакчи тол нуналэ? Быдэн валэн ог-огмылы юртытэк нулдйм кадь. Векчиесь пуос вылэм дыр ини. Монэ Ладимер Полелэн корказ мыныны косэ вал. Апайлы юртйсько шуыса, йырыз кур вал. Мынэсьтым азыло Чернова Александра Константиновна ужас. Предлы шуыса кошкиз. Бератаз гынэ 1 машина пу вайылызы 78-лы. 1957 яна потймы Виль урам шуизы.

2 арзэ кадь керосин лампаен уймы. Собрере Вуж гуртын кыче ке динамын¹¹⁶ электро тыл сётйзы. Собрере арзэ уг тодйськы ни 1960 арын дыр бадзым ГЭС электро вуиз.

5 коркаен колодец гудыса ву нулдйм. Соку тйни урамъестй адямиос ветлызы. 1970 арын башня пуктйзы урамъес кузя трубаос, ву лыктйз. Кин но со сразу корказ пыртйз.

Али ваньмызлэн вузы коркан. Тйни соин но табере урамтй ветлысь өвёл ни.

1970 арын толалтэ кесянтэм вылысь выж лэсьтйзы. Со выж вылтй 20 ар потазы. Собрере 1990 арын лэсьтйзы, таиз 15 арлы гынэ тырмиз, кышъяса 4 ар ветлызы на дыр. Азыло пу выжъес вылтй шур сёр но тапал пудоез огазын возьмазы. Азыло, 1970 арозь ву будыку выжез сэрттазы, ву орчем бере, нош лэсьтылызы. Корт выжез 2009 яке 2010 арын вуж выж вылэ 19 декабре пыртйзы, трактор кыскиз 1 трактор донгиз.

2008 арын газ вуиз. Милемлы 29 декабре 2008 аре пыртйзы, ваньмызлэсь берло.

Вот тани табере улон майбыр луиз. Пельпум вылын карнанэн ву нулдоно өвёл. Нуналлы быдэ пу пыртон өвёл корка шунтыны. Нянь пыжоно өвёл, дась пыжем нянь нулдо лавкае. Мон уг быгатйськы ни лавкае потан. Пиосы нулдо. Табере сиemed потыса уд улы, котькытчы лавкае пырыса басьтод. Юаса уд сиы ни нянез, көня сиemed потэ си.

Тау карыса чупаса-чупаса сиисько. Та улон талэсь алама медаз луы ни. Инбаммы чагыр мед луоз.

Колхозын строй бригада вал. 1969 арын ясли лэсьтйзы асьме гуртэ. Со чапак 1 ар ужас. 2-3 нылпиоссэс нулдйсь анайёс өз яратэ ни нулдыны. Быдэс толэзь уждун яслие сётйса быре шуизы.

Клуб пала столовой лэсьтйзы. Ясли азбарын но столовой вал. Со ясли Абаж Лёнялы гараж луиз.

Радызъя вунэтйсько гожъяны.

Нош 50 аръёс сярись: огине карем колхозэ Вужгуртэ асьме гуртысь Конд-

116 Электро сётйсь маке.

ратей коркаез пятистенной нуыса, 2 этажо лэсътйзы. Отын школа но колхоз кантора но луиз. Канторазы но школазы но ой вал Вужгуртгъёслэн.

Двадцети тысячникгъёс шуизы. Колхоз бадзым луэм бере лыктйзы Вужгуртэ Тронин, Иванов, Зиновьев но Богатырёв. Богатырёвез Чувашие лэзизы.

Тронин кылиз Вужгуртэ, Ивановез лэзизы Ермолаево, Зиновьевез – Сальяла. Иванов вазь кулиз. Зиновьев заочно дышетйсьлы дышетскиз, Уддядие кошкиз. Зав Роно луыса ужаз.

Отяз гурт пиос ик выльй образование басьтылйзы, пред луылйзы. Эльдыбайын Звонков вал. Собере ик-а мар-а нылкышно Шевырталова пред луиз. Табере асьме гуртгъёс отчы ветло скал кыскыны но мукет ужаны. Кышномурт ке но колхозэ[з] кельтыны быгатйз. Со понна куара сётыны кулэ вылэм Район депутатэ.

1982 арысен пичи школаез быдтйзы. Нылпиосыз колхоз автобусэн нулдыны. Анайёс берен гуртэ школа усьтыны ог дас сёрло ветлэм беразы 1992-93 арёсы ясли коркан школа луиз. Собере нош дасо ар улыса Лутоха школае ветло. Табере школьной автобусгъёсын ветло.

Али автобусгъёсын ветлйсь школьникгъёс уз валалэ пересгъёслы интызэс сётыны.

Бадзым Вормонлы сйзиськом.

Ом басьтэ ни 3 сэрго гожтэт
 Басьтймы 4 сэрго конверт
 Ож лудын геройлыко быриды
 70 ар тырме ни ож быремлы
 Тушмон пуля улэ тй сюриды.